




239



臨川先生文集

六



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches

© The Tiffen Company, 2007

Blue

Cyan

Green

Yellow



Red

Magenta

White

3/Color

Black



臨川先生文集卷第二十二

律詩 七言八句

奉酬永叔見贈

送陳舜俞制科東歸

送何正臣主簿

與舍弟華藏院此君亭詠竹

上无戲呈真父


次韻楊樂道述懷

和楊樂道見寄

寄吳冲卿二首

酬冲卿見別

次御河寄城北會上諸友



次友人三首

寄張襄州

次韻昌叔懷瀟樓讀書之樂

酬淨因長老樓上詵月見懷

寄張鷟招張安國金陵法曹

欲往淨因寄涇州韓持國

送別韓虞部

懷舒州山水呈昌叔

呈柳子玉同年

次韻陸定遠以謫往來求詩

李璋下第

送楊驥秀才歸鄱陽

平山堂

示德逢

示四妹

寄酬曹伯玉因以招之

次韻奉酬李質夫

寄袁州曹伯玉使君

邢太保有鶴折翼以詩傷之

寄致政吳虞部

再至京口寄漕使曹郎中

次韻平甫金山會宿寄親友

送何聖從龍圖

送趙學士陝西提刑

丙申八月作

登西樓

即事

奉酬永叔見贈

欲傳道義心猶在

雖壯強學一作

文章力已窮他日

若能窺孟子終身何敢望韓公

屣嘗傾廣座中祇恐虛名因此得嘉篇爲貺豈宜蒙

送陳舜俞制科東歸

諸賢發策未央宮獨得留川一老翁
曲學暮年終漢相高談平日漫周公
君今壯歲收科第我欲它時看事功
聞說慨然真有意贈行聊似占人風

送何正臣主簿

何郎冰雪照青春應敵皆言筆有神
魯國儒人何獨少元君畫史故應真
百年冠蓋風雲會萬里山川日月新
可但諸公能品藻會須天子擢平津

與舍弟華藏院此君亭詠竹

一逕森然四座涼殘陰餘韻去何長
人憐直節生來瘦自許高材老更剛
曾與蒿藜同雨露終隨松柏到冰霜
煩君惜取根株在欲乞伶倫學鳳凰

上元戲呈貢父

車馬紛紛白晝同萬家燈火暖春風
別開闔闔壺天外特起蓬萊陸海中
盡取繁華供俠少祇分牢落與衰翁
不知太乙遊何處定把青藜獨照公

次韻楊樂道述懷之作

素心非不慕前修自怪因循欲白頭
獵較趣時終瑣瑣畫墁營職信悠悠
濠梁最憶知魚樂牢筴翻慙爲
疑謀尚有故人能慰我詩成珠玉每相投

和楊樂道見寄

宅帶園林五畝餘蕭條還似茂陵居
殺青滿架書新繕生白當窓室久虛
孤學自難窺奧密重言猶得慰
空踈相思每欲投詩社只待春蒲葉又書

寄吳冲卿七首

平生身事略相同三歲連牆左廡中
更得謬恩分省舍又將衰鬢作隣翁
聯翩又傍官槐綠契闊今看楚
蓼紅不欲與君爲遠別沙臺吹帽約秋風

二時吳晉州
方得臯

塞垣花氣欲飛浮眼底紛紛綠漸抽
悠遠山川嗟我老急難兄弟想君愁
舊知白日諸曹滿試問紅燈幾
客留時節只應無意思亦如行路判春休

酬冲卿見別

同官同齒復同科朋友婚姻分最多
兩地塵沙今齟齬二年風月共婆娑
朝倫孰與君材似使指將如我
病何升黜會應從此異願偷閑暇數經過

次御河寄城北會上諸友

客路花時祇攬心行逢御水半晴陰
背城野色雲邊盡隔屋春聲樹外深
香草已堪回步履午風聊復散
衣襟憶君載酒相追處紅萼青跼定滿林

寄友人三首

萬里書歸說我愁，知君不忘北城幽。一篇封禪才難學，三畝蓬蒿勢易求。欲與山僧論地券，願爲鄰舍事田疇。應須急作南征計，漠北風沙不可留。

二

水邊幽樹憶同攀，曾約移居向此間。欲語林塘迷舊逕，却隨車馬入他山。飛花著地容難冶，鳴鳥窺人意轉閑。物色可歌春不返，相思空復慘朱顏。

三

一別三年至一方，此身漂蕩只殊鄉。看沙更覺蓬萊淺，數日空驚霹靂忙。渺渺水波低赤岸，濛濛雲氣淡扶桑。登臨舊興無多在，但有浮槎意未忘。

寄張襄州

襄陽州望古來雄，耆舊相傳有素風。四葉表閭唐尹氏，一門逃世漢龐公。故家遺俗應多在，美景良辰定不空。遙憶習池寒夜月，幾人談笑伴詩翁。

次韻昌叔懷瀟樓讀書之樂

志食長年不得休，一巢無地拙於鳩。聊爲薄宦容身者，能免高人笑我不。道德文章吾事落，塵埃波浪此生浮。看君別後行藏意，回顧瀟樓祇自羞。

酬淨因長老樓上翫月見懷有疑君魂夢在清都之句

道人心與世無求，隱凡蕭然在此樓。坐對高梧傾曉月，看翻清露洗新秋。登臨更欲邀元亮，披寫還能擬惠休。顧我不知天上樂，虛疑昨夜夢仙遊。

寄張諤招張安國金陵法曹

我老願爲臧丈人君今少壯豈長貧好湏自致青冥
上可且相從寂寞濱深谷黃鸝驕引子曲碕翠碧巧
藏身尋幽觸靜還成興何必區區九陌塵

欲往淨因寄涇州韓持國

紫荆山下物華新只與都城共一春令節想君攜綠
酒故情憐我踏黃塵魚已悔他年事搏虎方收未
路身欲寄微言書不盡試尋僧閣望西人

送別韓虞部

客舍街南初著巾與君兄弟即相親當年豈意兩家
子今日更爲同社人京洛風塵嗟阻闊江湖杯酒惜
逡巡歸帆嶺北茫茫木把手何時寂寞濱

懷舒州山水呈昌叔

山下飛鳴黃栗留溪邊飲啄白符鳩不知此地從君
處亦有他人繼我不塵土生涯休盪滌風波時事只
飄浮相看髮禿無歸計一夢東南即自羞

呈柳子玉同年

三年不上鄴王臺鴻鴈歸時又北來水底舊波吹歲
換柳梢新葉卷春回塵沙漠漠凋雙鬢簫鼓忽忽把
一盃勞事欲歌無與和衰顏思見故人開

次韻陸定遠以謫往來求詩

牢落何由共一樽相望空復歎芝焚濟時尚負生平
學尉我應多別後文可但風流追甫自由來家世出
機雲行吟強欲偷新格自笑安能到萬分

李璋下第

浩蕩宮門白日開，君王高拱試群材。
學如吾子何憂失命，屬天公不可猜。
意氣未宜輕感槩，文章尤忌數悲哀。
男兒獨患無名爾，將相誰云有種哉。

送楊驥秀才歸鄱陽

客舍風塵弊綵衣，悲吟重見鴈南飛。
荆山和氏方三獻，太學何生且一歸。
曠野已寒諳獨宿，長年多難惜分違。
巾箱所得皆幽懿，亦見鄉人爲發揮。

平山堂

城北橫岡走翠虬，一堂高視兩三州。
淮岑日對朱欄出，江岫雲齊碧瓦浮。
墟落耕桑公愷悌，杯觴談笑客風流。
不知峴首登臨處，壯觀當時有此不。

示德逢

先生貧敝古人風，朽想榮桑在眼中。
憐愍雞豚非孟子，勤勞禾黍信周公。
深藏組纒三千牘，靜占寬閑五百弓。
處世但令心自可，相知何藉一劉龔。

示四妹

孟光求壻得梁鴻，廡下相隨不諱窮。
卓犖才名今日事，蕭條門巷古人風。
五噫尚與時多忤，一笑兼忘我屢空。
六月塵沙不相貸，泫然搔首又西東。

寄酬曹伯玉因以招之

寒鷗對立西風樹，幽草環生白露庭。
清坐苦無公事擾，高談時有故人經。
思君異日投朱綬，過我何時載綠醅。
及北江湖氣蕭爽，最宜相值倒吾甍。

次韻奉酬李質夫

逸少池邊有舊山，幾年征淚染衣斑。
鴛鴦自飽方爭路，騷褻長飢不在關。
雪漲江南歸浩蕩，煙埋河朔去
間關。勞歌一聽皆愁思，況我心非本石頑。

寄袁州曹伯玉使君

宜春城郭繞樓臺，想見登臨把一盃。
濕濕嶺雲生竹籩，冥冥江雨熟楊梅。
政成定入邦人詠，詩就還隨驛使來。
錯莫風沙愁病眼，不知何日爲君開。

邢太保有鶴折翼以詩傷之，谷有記翎經
其三韻而忘其詩者，因作四韻。

不爲摧傷改性靈，靜中猶見好儀形。
每憐今日長垂翅，却悔當時誤剪翎。
醫得舊創猶有法，相知多難豈

無經稻梁且向人間覓，莫羨搏風起北冥。

寄致政吳虞部

白鷗生意在滄波，不爲風塵有網羅。
年抵馮唐初未半，才方踈廣豈能多。
孤清楚國知誰繼，遺愛邠人想共歌。
嗟我欲歸真未晚，雪舟乘興會相過。

再至京口寄漕使曹郎中

漂流會落此江邊，憶與詩翁賦浩然。
浩然堂名鄉國去身猶萬里，驛亭分首已三年。

北城紅出高枝靚，南浦青回老樹圓。
還似昔時風露好，只疑談笑在君前。

次韻平甫金山會宿寄親友

天末海門橫比固，煙中沙岸似西興。
已無船舫猶聞笛，遠有樓臺祇見燈。
山月入松金破碎，江風吹水雪

崩騰飄然欲作乘桴計一到扶桑恨未能

送何聖從龍圖

射策曾稱蜀郡雄朝廷重得漢司空應留賜席丹塗
地誤責飛芻紫塞功三徑欲歸無舊業百城先至有
清風路山直與天爲黨回首孫高想見公

送趙學士陝西提刑

遙知彼俗經兵後應望名公走馬來 陛下東求今
日始曾中包畜此時開山西豪傑歸囊續渭北風光
入酒盃堪笑陋儒昏鄙甚略無謀術贊行臺

丙申八月作

秋風摧剝利如刀漠漠昏煙玩日高眼看南山露崖
疑心隨東水轉波濤歸期正自憑著蔡生理應須問

酒醪還有詩書能慰我不多霜雪上顛毛

登西樓

樓影侵雲百尺斜行人樓上憶天涯情多自悔登臨
數目極因驚悵望賒一曲平蕪連古樹半分殘日帶
明霞潘郎何用悲秋色祇此傷春髮已華

即事

河流南苑岸西斜風有晶光露有華門柳故人陶令
宅井桐前日摠持家嘉招欲覆盃中綠麗唱仍添錦
上花便作武陵樽俎客川源應未少紅霞

臨川先生文集卷第二十二

臨川先生文集卷第二十三

律詩七言八句

酬吳仲庶小園之句

始與韓玉汝相近居遂相與遊今居復相近
而兩家子唱和詩相屬因有此作

春寒

次韻再遊城西李園

予求守江陰未得酬昌叔憶江陰見及之作
送蘇屯田廣西轉運

酬淮南提刑邵不疑學士

酬王太祝

出城訪無黨因宿齋館

寄張氏女弟

奉寄子思以代別

次韻劉著作過茄山今平甫往遊因寄

次韻十四叔賜詩留別

次韻耿天騰大風

法喜寺

長干寺

落星寺在南康軍江中

清風閣

留題微之解中清輝閣

次韻和甫春日金陵登臺

慶老堂

寄陳宣叔

寄張劔州并示女弟

元珍以詩送綠石硯所謂玉堂新樣者

和微之林亭

酬微之梅暑新句

平甫與寶覺遊金山思大覺并見寄及相見

得詩次韻二首

金陵懷古四首

次韻舍弟遇子固憶少述

次韻昌叔詠塵

石竹花

古松

玉晨大樽鶴廟古松最爲佳樹

次韻董伯懿松聲

次韻荅平甫

次韻質夫兄使君同年

酬吳仲庶小園之句

舊年臺榭掃流塵職閉朱門歲又新花影隙中看
裊裊車音牆外去鞦韆相逢豈少佳公子一醉何妨薄
主人祇向東風邀載酒定知無奈帝城春

始與韓玉汝相近居遂相與遊今居復相近而兩家子唱和詩相屬因有此作

羈旅兒童得近鄰相知邂逅即情親當時豈意兩家子此地更爲同社人勲業彈冠知白首文章投筆讓

青春萬金雖愧君多產比我淵明亦未貧

春寒

春風滿地月如霜拂曉鍾聲到景陽花底袂衣朝宿
衛柳邊新火起嚴粧冰殘玉甃泉初動水溢銅壺漏
更長從此暄妍知幾日便應鷓鴣換年芳

次韻再遊城西李園

京師花木類多竒常恨春歸人未歸車馬喧喧走塵
土園林處處鏤芳菲殘紅已落香猶在羈客多傷涕
自揮我亦悠悠無事者約君聯騎訪郊圻

予求守江陰未得酬昌叔憶江陰見及

之作

黃田港北水如天萬里風檣看賈船海外珠犀常入
市人間魚蟹不論錢高亭笑語如昨日末路塵沙非

少年強乞一官終未得祇君同病肯相憐

送蘇屯田廣西轉運

置將從來欲善師百城蹉跎起毫釐驅除久費兵符
出按撫紛煩使節移恩澤易行窮苦後功名常見急
難時孺文此日風流在直筆他年豈愧辭

酬淮南提刑邵不疑學士來詩及予送沈常州之詩而卒

有素壁鑿詩尚未泥之句

曾詠常州送主人豈知身得兩朱輪田疇汎濫川方
壅厨傳蕭條市亦貧以我薄材思拊偃賴君餘教得
因循詢求故有風謠在不獨鑿詩尚未泯

酬王太祝

一馬常隨世事馳豈論江徼與河湄已成白髮潘常

侍更似青衫杜拾遺勲業儻來知有命文章聊欲見
無期喜君材俊能從我力學何妨和子思

出城訪無黨因宿齋館

關外尋君信馬蹄漫成詩句任天倪花枝到眼春相
照一作映山色侵衣晚自迷今日笑談還喜共經年勞

逸固難齊生涯零落歸心懶多謝慙慙杜宇啼

寄張氏女弟

十年江海別常輕一作輕豈料今隨寡嫂行心折向誰
論宿昔魂來空復夢平生音容想像猶如昨歲月蕭
條忽已更知汝此悲還似我欲為西望涕先橫

奉寄子思以代別

南北蹉跎成兩翁悲歡邂逅笑言同全家欲出嶺雲

外匹馬肯尋山雨中趨府折腰嗟踽踽聽泉分手惜
忽忽寄聲但有加飡飯才業如君豈又窮

次韻劉著作過荊山今平甫往遊因寄

華陽仙伯有荊卿官府今傳在赤城三鶴不歸猶地
勝二君能到亦心清詩中慷慨悲陳迹篇末慙慙獎
後生遙想青雲知可附坐看問巷得名聲

次韻十四叔賜詩留別

窮冬追路出西津得侍茫然兩見春發冊久嗟淹國
士起家初命慰鄉人行辭北闕樓臺麗歸佐南州縣
邑新班草數行衣上淚何時杖屨却相親

次韻耿天騭大風

雲埋月缺暈寒灰颺發齊如巨象虺縱勇萬川冰柱

立紛披千障土囊開魯門未怪爰居至鄭圃何妨禦
寇來終夜不眠誰與共坐忘唯有一顏回

法喜寺

門前白道自縈回門下青莎間綠苔雜樹繞花鶯引
去壞簷無幕鷺歸來寂寥誰共樽前酒牢落空留案
上杯我憶故鄉誠不淺可憐鷓鴣重相催

長干寺

梵館清閑側布金小塘回曲翠文深柳條不動千絲
直荷葉相依萬蓋陰漠漠峯雲相上下翩翩沙鳥自
浮沈羈人樂此忘歸思恐向西風學越吟

落星寺在南康軍江中

萃雲臺殿起崔嵬萬里長江一酒杯坐見山川吞日

月杳無車馬送塵埃
鴈飛雲路聲低過客近
天門夢易迴勝槩唯詩可收拾
不才羞作等閑來

清風閣

飛甍孤起下州墻
勝勢崢嶸壓四方
遠引江山來控帶
平看鷹隼去飛翔
高蟬感耳何妨靜
赤日焦心不廢涼
況是使君無一事
日陪賓從此傾觴

留題微之廨中清輝閣

故人名字在瀛洲
邂逅低徊向此留
鷗鳥一雙隨坐笑
荷花十丈對冥搜
水涵樽俎清如洗
山染衣巾翠欲流
宣室應疑鬼神事
知君能復後來遊

次韻和甫春日金陵登臺

鍾山漠漠水洄洄
西有陵雲百尺臺
萬物已隨和氣

動一樽聊與故人來
天邊幽鳥鳴相和
地上晴煙掃不開
悲眼看春長一作唯恐盡直須去取六龍回

慶老堂

陳繹

板輿去國宦三年
華屋歸來地一偏
種竹常疑出冬筍
開池故合涌寒泉
身閑楚老猶能戲
道勝鄒人不堪遷
嗟我強顏無所及
想君爲藥更焦然

寄陳宣叔

扁舟欲動更徘徊
一笑相看病眼開
事忤貴人今見節
政行豪縣衆稱材
忽驚歲月侵雙鬢
却喜山川共一杯
落日亂流江北去
離心猶與水東迴

寄張劔州并示女弟

時張以太夫人喪自劔州歸

劔閣天梯萬里寒
春風此日白衣冠
烏辭反哺顛毛

黑鳥引思歸口血丹行路想君今青瘦相逢添我老
悲酸浮雲渺渺吹西去每到原頭勒馬看

元珍以詩送綠石硯所謂玉堂新樣者

玉堂新樣世爭傳况以蠻溪綠石鑄嗟我長來無異
物愧君持贈有佳篇久埋瘴霧看猶濕一取春波洗
更鮮還與故人袍色似論心於此亦同堅

和微之林亭

為有檀欒占雒陽憶歸杖策此徜徉觀魚得意還知
樂入鳥忘機肯亂行未敢許君輕去國不應如我漫
為郎中園日涉非無趣保此千鍾慰北堂

酬微之梅暑新句

江梅落盡雨昏昏去馬來牛漫不分當此泥陰無白

日豈知炎旱有彤雲琴絃欲緩何妨促畫蠹微生故
可熏回首涼秋知未遠會須重曝阮郎袂

平甫與寶覺遊金山思大覺并見寄及相

見得詩次韻二首

寵參時宰道入琳氣蓋諸公弟季心勝踐肯論山在
險冥搜欲與海爭深搖搖北下隨帆影踽踽東來想
足音握手更知禪伯遠隔雲靈鷲碧千尋

二

漳南開士好叢林慧劍何年出水心獨往便應諸漏
盡相逢未免故情深搵窺山鳥有真意窻聽海潮非
世音一笑上方人事外不知衰境兩侵尋

金陵懷古四首

霸祖孤身取二江子孫多以百城降豪華盡出成功
後逸樂安知與禍雙東府舊基留佛刹後庭餘唱落
船窻黍離麥秀從來事且置興亡近酒缸

二
天兵南下此橋江敵國當時指顧降山水雄豪空復
在君王神武自難雙留連落日頻回首想像餘墟
獨倚窻却怪夏陽纔一葦漢家何事費罌缸

三
地勢東回萬里江雲間天闕古來雙兵纏四海英雄
得聖出中原次第降山水寂寥埋王氣風烟蕭颯
滿僧窻廢陵壞冢空冠劍誰復沾纓酌一缸

四

憶昨天兵下蜀江將軍談笑士爭降黃旗已盡年三
百紫氣空收劍一雙破堞自生新草木廢宮誰識舊
軒窻不須搔首尋遺事且倒花前白玉缸

次韻舍弟遇子固憶少述

時舍弟在臨川

歸計何時就一屢寒城回首意茫然野林細錯黃金
日溪岍寬圍碧玉天飛兔已聞追騶裊太阿猶恨失
龍泉遙知更憶河濱友從事能忘我獨賢

次韻昌叔詠塵

塵土輕颺不自持紛紛生物更相吹翻成地上高烟
霧散在人間要路岐一世競馳甘眯目幾家清坐得
軒眉超然祇有江湖上還見波濤恐我時

石竹花

退公詩酒樂華年欲取幽芳近綺筵種玉亂抽青節
瘦刻繒輕染絳花圓風霜不放飄零早雨露應從愛
惜偏已向美人衣上繡更留佳客賦嬋娟

古松

森森直幹百餘尋高入青冥不附林萬壑風生成夜
響千山月照掛秋陰豈因糞壤栽培力自得乾坤造
化心廊廟乏材應見取世無良匠勿相侵

玉晨大檜鶴廟古松最爲佳對

壇廟千年草不生幽真曾此蔭餘清月枝地上流雲
影風葉天邊過雨聲材大賢於人有用節高仙與世
無情秦山陂下今迷處苦里宮中漫得名

次韻董伯懿松聲

天機自動豈關情能作人間物外聲暝聒一堂無客
夢曉悲千嶂有猿驚廟中奏瑟沈三嘆堂下吹簫失
九成俚耳紛紛多鄭衛直須聞此始心清


次韻荅平甫

高蟬抱殼悲聲切新鳥爭巢諳語忙長樹老陰欺夏
日晚花幽艷敵春陽雲歸山去當簷靜風過溪來滿
坐涼物物此時皆可賦悔予千里不相將

次韻質夫兄使君同年

樓堞相望一日程春風吹急似搖旌莫言樂國無愁
夢賴把新詩有故情客舍五漿非所願私田三徑會
須成青雲自致歸公等如我何緣得此聲

臨川先生文集卷第二十三



臨川先生文集卷第二十四

律詩 七言八句

金明池

葛溪驛

泛舟青溪入水門登高齋奉呈康叔

為裴使君賦擬峴臺

送李才元校理知邛州

送張頡仲舉知奉新

張劔州至劔七日以新憂罷

次韻子履遠寄之作

送李太保知儀州

送西京簽判王著作

送劉貢父赴秦州清水

送純甫如江南

送郊社朱兄除郎東歸

送沈康知常州

安豐張令修芍陂

送復之屯田赴成都

送經臣富順寺丞

送張卿致仕

送梅龍圖

送李祕校南歸

送蕭山錢著作

送靈仙襄太博

送趙煥之蜀永康簿

酬吳季野見寄

和平甫寄陳正叔

送王大卿致政歸江陵

送叔康侍御

寄朱昌叔

九日登東山寄昌叔

到舒次韻答平甫

舒州七月十七日雨

次韻答丁端州

答劉季孫

次韻酬王太祝

寄吳成之

寄曾子固

至開元僧舍上方次韻舍弟二月一日之作

寄王回深甫

次韻荅彥珍

寄闕下諸父兄兼示平甫兄弟

金明池

宜秋西望碧參差憶看鄉人楔飲時斜倚水開花有
思緩隨風轉柳如癡青天白日春常好綠髮朱顏老
自悲跋馬未堪塵滿眼夕陽偷理釣魚絲

葛溪驛

缺月昏昏漏未央一燈明滅照秋牀病身最覺風露

早歸夢不知山水長坐感歲時歌慷慨起看天地色
淒涼鳴蟬更亂行人耳正抱踈桐葉半黃

泛舟青溪入水門登高齋奉呈康叔

簿領紛紛惜此時起携佳客散沈迷十圍但見諸營
柳九曲難尋故國溪牽犂欲隨流水遠放船終礙畫
橋低子猷清興何曾盡想憶高齋更一躋

爲裴使君賦擬峴臺

君作新臺擬峴山羊公千載得追攀歌鍾殷地登臨
處花木移春指顧間城似大隄來宛宛溪如清漢落
潺潺時平不比征吳日緩帶尤宜向此閑

送李才元校理知邛州

朝廷孝治稱今日鄉郡榮歸及壯時關吏相呼迎印

綬里兒爭出望旄麾北堂已足誇三金南畝當今識
兩歧獨我尚留真有命天於人欲本無私

送張頴仲舉知奉新

故人爲邑士多稱絲賦寬賒獄訟平老吏閉門無重
楮荒山開隴有新粳方揮玉塵日邊坐又結銅章天
外行此去料君歸不久挾材如此即名卿

張劔州至劔一日以新憂罷

客舍飛塵尚滿羈却尋東路想茫然白頭反哺秦烏
側流血思歸蜀鳥前今日相逢知悵望幾時能到與
留連行看萬里雲西去倚馬春風不忍鞭

次韻子履遠寄之作

飄然逐客出都門士論應悲玉石焚高位紛紛誰得

志窮途往往始能文柴桑今日思元亮天祿何時召
子雲直使聲名傳後世窮通何必較功勳

送李太保知儀州

北平上谷當時守氣略人推李廣優還見子孫持漢
節欲臨關塞撫羌酋雲邊鼓吹應先喜日下旌旗更
少留五字亦君家世事一吟何以稱來求

送西京叅判王著作

兒曹曾上洛城頭尚記清波遶驛流却想山川常在
夢可憐顏髮已驚秋碎書今日看君去著籍長年歎
我留三十六峯應好在寄聲多謝欲來遊

送劉貢父赴秦州清水

劉郎高論坐噓枯幕府調聊用緒餘筆下能當萬人

敵腹中嘗記五車書聞多望士登天祿知有名臣薦
子虛且復弦歌窮塞上祗應非晚召相如

送純甫如江南

青溪看汝始踟躕兄弟追隨各少年壯爾有行今納
婦老吾無用亦求田初來淮北心常折却望江南眼
更穿此去還知苦相憶歸時快馬亦須鞭

送郊杜朱兄除郎東歸

手持官牒出神臯迎客遙知賀酒醪照映里門非白
屋欺凌春草有青袍宦遊雖晚何妨久餓顯從來不
必高孝友父兄家法在能清自遺兒曹

送沈康知常州

作客蘭陵迹已陳為傳謠俗記州民溝塍半廢田壽

薄厨傳相仍市井貧常恐勞人輕白屋忽逢佳士得
朱輪慙慙話此還惆悵最憶荆溪兩岸春

安豐張令修芍陂

桐鄉振廩得周旋芍水修陂道路傳日想僇功追往
事心知為政似當年魴魚鱖歸城市秔稻紛紛載
酒船楚相祠堂仍好在勝遊思為子留篇

送復之屯田赴成都

槃礴西南江與岷石犀金馬世稱神桑麻接畛餘無
地錦繡連城別有春結綬相隨通籍久推車此去辟
書新知君不為山川險便忘吾家叱馭人

送經臣富順寺丞

故人為縣楚江邊海角猶聞政事傳萬井已安如赤

子一麾今去上青天應開醉眼餘醪下莫起歸心杜
宇前報主代親俱有地幾人忠孝似君全

送張卿致仕

子房籌策漢時功身退超然慕赤松餘烈尚能開後
世高材今復繼前蹤執鞭始負平生願操几何知此
地逢竊食一官慚未艾緒言方賴賜從容

送梅龍圖

子真家世子雲鄉風力才華豈易當回首古人多隱
約致身今日獨輝光謨明久合分三府治劇聊須試
一方從此政成何所報百城無事祇耕桑

送李祕校南歸

四十青衫更旅人悠悠飢馬傍沙塵久留上國言空

富却走南州食轉貧自作詩書能見志應知時命不
關身江湖勝事從今數肯但悲歌寂寞濱

送蕭山錢著作

才高諸彥故無嫌兄弟同時舉孝廉東觀外除方墨
綬西州相見已蒼髯靈胥引水清穿市神禹分山翠
入簾好去弦歌聊自慰郡人誰敢慢陶潛

送靈山裴太博

一官留隱太常中生事蕭然信所窮有力尚期當世
用無求今見古人風邈迥舊學皆殘業邂逅相看各
老翁他日卜居何處好溪山還欲與君同

送趙燮之蜀永康簿

蜀山萬里一青袍石淺天梯筆響高多學侶君寧易

得小官於此亦徒勞行追西路聊班草坐憶南州欲
夢刀他日寄聲能問我應從錦水至江臯

酬吳季野見寄

時被召來詩以賈誼見方

漫披陳蠹學經綸捧檄生平祗為親聞道不先從事
早課功無狀取官頻豈堪置足青冥上終欲回身寂
寞濱俯仰謬恩方自歎慙君將比洛陽人

和平甫寄陳正叔

強行南仕莫辭勤聞說田園已曠耘縱使一區猶有
宅可能三月尚無君且同元亮傾罇酒更與靈均續
舊文此道廢興吾命在世間滕口任云云

送王太卿致政歸江陵

九卿初命亞三司朝吏相瞻得老師南闕便還新印

綬東舟只載舊書詩漢庭餞客無佳句越水歸裝有
富貲回首千年見踈范共疑今事勝當時

送叔康侍御

詔取名郎入憲臺此時方急濟時才聖聰應已虛心
待姦黨寧無側目猜白筆豈知權可畏阜囊還請上
親開佇聞謹論能醫國飛報頻隨驛騎來

寄朱昌叔

清江浸浸遶城流尚憶城邊繫小舟射虎未能隨李
廣割雞空欲戲言游雲埋塞路驚塵合霜入春風滿
鬢愁此日君書苦難得漫多鴻鴈起南洲

九日登東山寄昌叔

城上啼烏破寂寥思君何處坐岩堯應須綠酒醅黃

菊何必紅裙弄紫簫落木雲連秋水渡亂山煙入夕
陽橋淵明久負東籬醉猶分低心事折翳

到舒次韻荅平甫

夜別江船曉解驂秋城氣象亦潭潭山從樹外青爭
出水向沙邊綠半涵行問嗇夫多不記坐論公瑾少
能談只愁地僻無賓客舊學從誰得指南

舒州七月十一日雨

行看野氣來方勇卧聽秋聲落竟怪浙瀝未生羅豆
水蒼忙空失皖公山火耕又見無遺種肉食何妨有
厚顏巫祝萬端曾不救只疑天賜雨工閑

次韻荅丁端州

莫嗟荒僻又離羣且喜風謡嶺北聞銅柱雖然蠻徼

接竹符還是漢家分春書來逐衡陽鴈秋騎歸看隴
首雲相見會知南望苦病骸今侶沈休文

荅劉季孫

偶著儒冠敢陋今自憐多負少時心輕軒已任人前
後揭厲安知世淺深挾策有思悲慷慨負薪無力病
侵淫愧君綠綺虛投贈更覺貧家報乏金

次韻酬王太祝

塵土波瀾不自期飄然身與願相違衰根要路知難
植病羽長年欲退飛高論已嗟能聽少力行還恨賦
材微慚君俊少今知我一見心如客得歸

寄吳成之

綠髮溪山笑語中豈知翻手兩成翁辛夷屋角搏香

雪躑躅岡頭挽醉紅想見舊山茅徑在近隨今日板
輿空渭陽車馬嗟何及榮祿方當與子同

寄曾子固

斗粟猶慙報禮輕敢嗟吾道獨難行脫身負米將求
志戮力乘田豈爲名高論幾爲衰俗廢壯懷難值故
人傾荒城回首山川隔更覺秋風白髮生

至開元僧舍上方次韻舍弟二月一日之

作

溪谷濺濺嫩水通野田高下綠蒙茸和風滿對笙簧
雜霽雪兼山粉黛重萬里有家歸尚隔一屢無地去
何從傷春故欲西南望迴首荒城已暮鍾

寄王回深甫

少年倏忽不再得後日歡娛能幾何顧我面顏衰更
早憐君身世病還多牕間暗淡月含霧船底飄颻風
送波一寸古心俱未試相思中夜起悲歌

次韻荅彥珍

手得封題手自開一篇美玉綴玫瑰衆知圓媚難論
報自顧窮愁敢角才君卧南陽惟賦畝我行西路亦
風埃相逢不必嗟勞事尚欲賡歌詠起哉

寄闕下諸父兄兼示平甫兄弟

父兄爲學衆人知小弟文章亦自竒家勢到今宜有
後士才如此豈無時久聞陽羨溪山好頗與淵明性
分宜但願一門皆貴仕時將車馬過茆茨

臨川先生文集卷第二十四

臨川先生文集卷第二十四
律詩七言八句 七言長篇附
鍾山西庵白蓮亭
贈老寧僧首
次韻舍弟賞心亭卽事二首
次韻陳學士小園卽事
寄友人
登大茅山
登中茅山
登小茅山
送張仲容赴杭州孫公辟
贈李士寧道人

臨川先生文集卷第二十五

律詩七言八句 七言長篇附

鍾山西庵白蓮亭

贈老寧僧首

次韻舍弟賞心亭卽事二首

次韻陳學士小園卽事

寄友人

登大茅山

登中茅山

登小茅山

送張仲容赴杭州孫公辟

贈李士寧道人

次韻春日卽事

次韻荅陳正叔二首

送崔左藏之廣東

苦雨

江上

午枕

寄石鼓陳伯庸

送熊伯通

送王暉

送明州王大卿

姑胥郭

嚴陵祠堂

藏春塢詩獻刁十四文學士

太湖恬亭

蒙城清燕堂

次韻酬吳彥珍見寄二首

自金陵如丹陽道中有感

初去臨川

讀史

讀詔書

王太丞邑事之暇過訪山館兼示佳篇

王浮梁太丞聽訟軒有水禽巢于竹林

寄虞氏兄弟

除夜寄舍弟

荅熊本推官金陵寄酒

和錢學士喜雪

送江寧彭給事赴闕

鍾山西庵白蓮亭

山亭新破一方苔
白帝留花滿四隈
野豔輕明非傅粉
秋光清淺不憑材
鄉窮自作幽人伴
歲晚誰爲靜女媒
可笑遠公池上客
卻因松菊賦歸來

贈老寧僧首

秀骨厖眉倦往還
自然清譽落人間
閑中用意歸詩筆
靜外安身比太山
欲倩野雲朝送客
更邀江月夜臨關
嗟予蹤迹飄塵土
一對孤峰幾厚顏

次韻舍弟賞心亭卽事二首

檻折簷傾野水傍
臺城佳氣已消亡
難披梗莽尋千古
獨倚青冥望八荒
坐覺塵沙昏遠眼
忽看風雨破驕陽
扁舟此日東南興
欲盡江流萬里長

霸氣消磨不復存
舊朝臺殿祇空村
孤城倚薄青天近
細雨侵凌白日昏
稍覺野雲成晚霽
卻疑山月是朝暎
此時江海無窮興
醒客忘言醉客喧

次韻陳學士小園卽事

牆屋雖無好鳥鳴
池塘亦未有蛙聲
樹含宿雨紅初入
草倚朝陽綠更生
萬物天機何得喪
百年心事不將迎
與君杖策聊觀化
搔首春風眼尚明

寄友人

飄然羈旅尚無涯一望西南百嘆嗟江擁涕洟流入
海風吹魂夢去還家平生積慘應銷骨今日殊鄉又
見花安得此身如草樹根株相守盡年華

登大茅山

一峰高出衆山顛疑隔塵沙道里千俯視煙雲來不
極仰攀蘿葛去無前人間已換嘉平帝地下誰通句
曲天陳迹是非今草莽紛紛流俗尚師仙

登中茅山

脩然杖屨出塵囂雞犬無聲到沈寥欲見五芝莖葉
老尚攀三鶴羽翰遙容溪路轉迷橫約仙几風來得
墮樵興罷日斜歸亦懶更磨碑藓認前朝

登小茅山

捫蘿路到半天窮下視淮洲杳靄中物外真游來几
席人間榮願付苓通白雲坐處龍池杳明月歸時鶴
馭空回首三君誰更似子房家世有高風

送張仲容赴杭州孫公辟

萬屋相誇漆與丹笑歌長在綺紈間綵船春戲城邊
水畫燭秋尋寺外山憶我屢隨遊客入喜君今赴辟
書還遙知曼倩威行久赤筆應從到日開

贈李士寧道人

季主逡巡居卜肆彌明邂逅作詩翁曾令宋賈歎車
上更使劉侯驚坐中杳杳人傳多異事冥冥誰識此
高風行歌過我非無謂唯恨貧家酒盞空

次韻春日即事

人間尚有薄寒侵和氣先薰草樹心丹白自分齊破
蕾青黃相向欲交陰潺潺嫩水生幽谷漠漠輕煙動
遠林病得一官隨太守班春無助愧周任

次韻荅陳正叔二首

青衫憔悴北歸來髮有霜根面有埃羣吠我方憎
狎子一鳴誰更識龍媒功名落落求難值日月云
汙去不回勝事與身何等近酒樽詩卷數須開

田宅荒涼去復來詩書顏髮兩塵埃忘機自許鷗相
狎得禍誰期鶴見媒此道未行身有待古人不見首
空回何當水石他年住更把韋編靜處開

送崔左藏之廣東

怪石巉巖上沓寥昔人於此奏簫韶水清但有嘉魚
出風暖何曾毒草搖今日淹留君按節當時嬉戲我
垂髫因尋舊政詢遺老爲作新詩變俚謠

苦雨

靈場奔走尚無功去馬來車道不通風助亂雲陰更
密水爭高岸氣尤雄平時溝洫今多廢下戶京困久
已空肉食自嗟何所報古人憂國願年豐

江上

村落家家有濁醪青旗招客解祗稠春風似補林塘
破野水遙連草樹高寄食舟車隨處弊行歌天地此
身勞遲回自負平生意豈是明時惜一毛

午枕

百年春夢去悠悠不復吹簫向此留野草自花還自
落鳴禽相乳亦相酬舊蹊埋沒開新徑朱戶欹斜見
畫樓欲把一盃無伴侶眼看興廢使人愁

寄石鼓寺陳伯庸

鯨海無風白日閑天門當面險難攀塵埃掉臂離長
陌琴酒和雲入舊山仁義未饒軒冕貴功名莫信鬼
神慳郭東一點英雄氣時伴君心夜斗間

送熊伯通

歲暮欣逢蓋共傾川塗南北豈忘情事經官路心應
折地入家山眼更明江上月華空自照梅邊春意恰
相迎關河不鏤真消息野客猶能聽治聲

送王覃

分走人間十五年塵沙吹鬢各蒼然山林渺渺長回
首兒女紛紛忽滿前知子有才思奮發嗟余無地與
迴旋相看一作秦吳別身世何時兩息肩

送明州王大卿

大曆才臣有此州昆雲今駕鹿轡游從來所至邦人
喜真復能分聖主憂千里封疆何足治一時名跡故
應留屬城舊吏雖疲懶尚可揮毫敵李舟

姑胥郭

誤攄雲巾別故山抵吳由越兩間關千家漁火秋風
市一葉歸舟暮雨灣旅病悒悒如困酒鄉愁脉脉似
連環情知帶眼從前緩更恐顛毛自此斑

嚴陵祠堂

漢庭來見一羊裘默默俄歸舊釣舟迹似磻溪應有
待世無西伯可能留崎嶇馮衍才終廢索寞桓譚道
不謀勺水果非鱸鮓地故身滄海亦何求

藏春塢詩獻刁十四文學士

蒜山東渡得林丘邂逅籃輿亦少留今日更知萊氏
隱暮年長憶武陵遊欲營垣屋隨穿斲尚歎塵沙隔
獻酬遙約向吳亭下路春風深駐五湖舟

太湖恬亭

檻臨溪上綠陰圍溪岸高低入翠微日落斷橋人獨
立水涵幽樹鳥相依清遊始覺心無累靜處誰知世
有機更待夜深同徙倚秋風斜月釣船歸

蒙城清燕堂

清燕新碑得自蒙行吟如到此堂中吏無田甲當時
氣民有莊周後世風庭下早知閑木索坐間遙想御
絲桐飄然一往何時得俛仰塵沙欲作翁

次韻酬吳彥珍見寄二首

時彥珍為教授
學有右軍墨池

君作新詩故起予一吟聊復報雙魚杖藜高徑誰來
往散帙空堂自卷舒樹外鳥啼催晚種花間人語趁
朝虛春風處處堪攜手何事臨池苦學書

二

篁竹荒茅五畝餘生涯山蕨與泉魚家貧殖貨羞端
木鄉里傳書比仲舒白日憶君聊遠望青林嗟我似
逃虛春風渺渺烏塘尾漫得東來一紙書

自金陵如丹陽道中有感

數百年來王氣消難將前事問漁樵苑方秦地皆蕪
沒山借揚州更寂寥荒埭暗雞催月曉空場老雉挾
春驕豪華祇有諸陵在往往黃金出市朝

初去臨川

東浮溪水渡長林上坂回頭一拊心已覺省煩非仲
叔安能養志似曾參憂傷遇事紛紛出疾病乘虛
壘侵未有半分求自贖恐填溝壑更霑襟一作馬頭西去百霑襟一望親庭更苦心已覺省煩非仲叔安能養志似曾參憂傷遇事紛紛出疾病乘虛壘侵手把空篇

讀史

自古功名亦苦辛行藏終欲付何人當時黜闇猶承
誤末俗紛紜更亂真糟粕所傳非粹美丹青難寫是

精神區區豈盡高賢意獨守千秋紙上塵

讀詔書 慶曆七年

去秋東出汴河梁已見中州旱勢強日射地穿千里
赤風吹沙度滿城黃近聞急詔收羣策頗說新年又
亢陽賤術縱工難自獻心憂天下獨君王

每見王太丞邑事甚冗而剗劇之暇能過
訪山館兼出佳篇為贈仰嘆才力因成小
詩

我看繁訟類搔首君富才明見亦常尚有閑襟尋水
石更留佳句似池塘松苗地合分高下鳧鶴天教有
短長徐上青雲猶未晚可無音問及滄浪

王浮梁太丞之聽訟軒有水禽三巢于竹

林之上恬而自得邑人作詩以美之因次
元韻

水邊舟動多驚散何事林間近絕疑野意肯從威令
至崔嵬猶有主人知丞見王太不關飲啄春江暖自在
飛鳴夏日遲覽德豈無丹穴鳳到時應讓向南枝

寄虞氏兄弟

一身兼抱百憂虞忽忽如狂久廢書疇昔心期俱喪
勇此來腰疾更乘虛久聞揚羨安家好自度淵明與
世疎亦有未歸溝壑日會應相近置田廬

除夜寄舍弟

一尊聊有天涯憶百感翻然醉裏眠酒醒燈前猶是
客夢回江北已經年佳時流落真何得勝事蹉跎只
可憐唯有到家寒食在春風因泛瀕溪船

荅熊本推官金陵寄酒

鬱金香是蘭陵酒枉入詩人賦詠來庭下北風吹急
雪坐間南客送寒酷淵明未得歸三徑金陵有叔夜
猶同把一盃吟罷想君醒醉處鍾山相向白崔嵬

和錢學士喜雪


手把詩翁憶雪詩坐愁窮海瘴煙霏誰令天上蒼茫
合忽見空中散漫飛閭闔與風生氣勢姪娥交月借
光輝山鷗瑟縮相依立邑犬跳梁未肯歸點綴丘園
榮樹木埋藏溝壑亂封圻高歌業已傳都市逸興何
當叩隱扉頗欲攜樽邀使騎幾忘温席薦親闈公今
早晚班春去強勸滂田補歲饑

送江寧彭給事赴闕

西江望士衆長兼卓犖傳家在一男壯志異時開史牒妙齡終日對書龕桂堂發策收科選櫻苑頒詩豫宴酣大邑援琴聊試可小州懷絳果才堪分臺拜職榮先入抗疏辭恩取橫單勁操比松寒不撓忠言如藥苦非甘龍鱗直爲當官觸虎穴寧關射利探朱轂獸頭終協夢粉闈雞舌更須含均輸北轉荆門鷓勸課西臨蜀市蠶期信有兒迎郭伋食貧無地乞羊曇橐垂鈴棧駝鳴圍節擁棠郊虎視耽歸見廣墀瞻斧藻對揚初服改朱藍進班華省財方阜出按窮邊虜稍戡帝命賈琮當冀北民歌姬奭次周南投壺饗客魚無乙伐鼓蒐兵馬有驪鯨鬣掀紅旗杳杳虬髯吐

黑燾鬢髮威加諸部風霜肅惠浸連營雨露涵大斗時時能劇飲輕裘往往祇清談乾龍已應天飛五晉馬徐觀晝接三道在君臣方自合德侔卿長亦誰欺便蕃肯較平生寵放曠皆知雅性妯委佩去辭廷殖殖揚舲來得府潭潭一尊客語從容盡千里人情委曲諳豈但搢紳稱召杜故多扶杖祝彭聃幕中俊又閑刀筆帳下驍雄冷劔鐔楚地怪須留汲黯蕭規疑欲付曹參從來貴勢公何慕自是賢名上所貪未信逸身今以老且當憂國每如惓論心邂逅膠投漆搔首低徊雪滿簪鎮撫未驚移歲月追攀曾許賞煙嵐餘歡遽隔新亭餞宿惠難忘舊館驂卷曲尚誰知散櫟崢嶸空此詠枯楠

臨川先生文集卷第二十五



臨川先生文集卷第二十六

律詩五言絕句

回紋

六言詩附

聊行

染雲

溝港

霹靂溝

午睡

題齊安壁

昭文齋

臺上示吳愿

示道原

傳神自讚

題何氏宅園亭

草堂一上人

題黃司理園

北山游亭

題永昭陵

誅穀

池上看金沙花數枝過醑醑架盛開

五柳

移松皆死

山中

送王補之行風忽作因題四句於舟中
被召作

南澗樓

南浦

題定林壁懷李叔時

離蔣山

江上

春雨

歸燕

和惠思波上鷗

秣陵道中口占二首

次青陽

代陳景元書于太一宮道院壁

山雞

雜詠四首

卧聞

秋興有感

題八功德水

口占

偶書

送陳景初

泊姚江

樓上

春晴

淨相寺

將母

朱朝議移法雲院蘭

晚歸

題舫子

惠崇畫

蒲葉

芳草

與徐仲元自讀書臺上定林

病中睡起折杏花數枝二首

送望之赴臨江守

送丁廡秀才歸汝陰

送王彥魯

送呂望之

別方劭秘校

梅花

紅梅

病起過寶覺

書定林窓

題徐浩書法華經

回紋詩

碧蕪

夢長

逆月

泊鴈

六言詩

題西太一宮壁二首

西太一宮樓

聊行

聊行弄芳草獨坐隱團蒲問客茅簷日君家有此無

染雲

染雲為柳華剪水作梨花不是春風巧何緣有歲華

溝港

溝港重重柳山坡處處梅小輿穿麥過狹徑礙桑回

霹靂溝

霹靂溝西路柴荆四五家憶曾騎款段隨意入桃花

午睡

簷日陰陰轉林風細細吹條然殘午夢何許一黃鸝

題齊安壁

日淨山如染風暄草欲薰梅殘數點雪麥漲一溪雲

昭文齋

米黻題余定林所居因作

我自中山客何緣有此名當緣琴不鼓人不見虧成

臺上示吳愿

細書妨老讀長簞愜昏眠取簞且一息拋書還少年

示道原

久不在城市少留心悵然幽芳可攬結佇子飲雲泉

傳神自讚

此物非他物今吾即故吾今吾如可狀此物若為摹

題何氏宅園亭

荷葉參差卷榴花次第開但令心有賞歲月任渠催

草堂一上人

一公持一鉢想復度遙岑地瘦無黃犢春來草更深

題黃司理園

為憶去年梅凌寒特地來閨前空牘盡渾未有花開

北山游亭

西崦水泠泠公岡有游亭自從春草長遙見祇青青

題末昭陵

神闕澹朝暉蒼蒼露未晞龍車不可望投老涕霑衣

誄穀

可憐臺上穀轉目已陰繁不解詩人意何為樂彼園

池上看金沙花數枝過醉醺醺架盛開

故作醺醺架金沙祇謾栽似矜顏色好飛度雪前開

五柳

五柳柴桑宅三楊白下亭往來無一事長得見青青

移松皆死

李白今何在桃紅已索然君看赤松子猶自不長年

山中

隨月出山去尋雲相伴歸春晨花上露芳氣著人衣

送王補之行風忽作因題四句於舟中

淮口西風急君行定幾時故應今夜月未便照相思

被召作

榮祿嗟何及明恩愧未酬欲尋西掖路更上北山頭

再題南澗樓

北山雲漠漠南澗水悠悠去此非吾願臨分更上樓

南浦

南浦隨花去迴舟路已迷暗香無覓處日落畫橋西

題定林壁懷李叔時

雲與淵明出風隨禦寇還燎爐無伏火蕙帳冷空山

離將山

出谷頻回首逢人更斷腸桐鄉豈愛我我自愛桐鄉

江上

江水漾西風江花脫晚紅離情被橫笛吹過亂山東

春雨

苦霧藏春色愁霖病物華幽竒無可奈強醕一杯霞

歸燕

馬上逢歸燕知從何處來貪尋舊巢去不帶錦書迴

和惠思波上鷗

翩翩白鳥鷗汎汎水中游西來久不見夢想在滄洲

秣陵道中口占二首

經世才難就田園路欲迷慙慙將白髮下馬照青溪

二

歲熟田家樂秋風客自悲茫茫曲城路歸馬日斜時

次青陽

十載九華邊歸期尚杳然秋風一乘傳更覺負林泉

代陳景元書于太一宮道院壁

官身有吏責觸事遇嫌猜野性豈堪此廬山歸去來

山雞

山雞照渌水自愛一何愚文采爲世用適足累形軀

雜詠四首

故畦拋汝水新壟寄鍾山爲問揚州月何時照我還

二

已作湖陰客如何更遠遊章江昨夜月送我到揚州

三

證聖南朝寺三年到百回不知牆下路今日幾荷開

四

桃李石城塢餉田王月時柴荆常自閉花發少人知

卧聞

卧聞黃栗留起見白符鳩坐引魚兒戲行將鹿女遊

秋興有感

宿雨清畿甸朝陽麗帝城豐年人樂業隴上踏歌聲

題八功德水

欲尋阿練若，曳屐出東岡。澗谷芳非少，春風著野桑。

口占

去歲別南嶽，前年返泐潭。臨機一句子，今日遇同參。

偶書

雄也營身足，聃兮悞汝多。捐書知聖已，絕學奈禽何。

送陳景初金陵持服舉族貧病煩君藥石

之功

舉族貧兼病，煩君藥石功。長安何日到，一一問歸鴻。

泊姚江

軋軋櫓聲急，蒼蒼江日低。吾行有定止，潮汐自東西。

樓上

蕩漾舟中客，徘徊樓上人。滄波浩無主，兩槩邈難親。

春晴

新春十日雨，雨晴門始開。靜看蒼苔紋，莫上人衣來。

淨相寺

淨相前朝寺，荒涼二十秋。曾遭滅劫壞，今遇勝緣修。

將母

將母邗溝上，留家白紵陰。月明聞杜宇，南北憶關心。

朱朝議移法雲蘭

幽蘭有佳氣，千載閔山阿。不出阿蘭若，豈遭乾闥婆。

晚歸

岸迥重重柳，川低渺渺河。不愁南浦暗，歸伴有姒娥。

題舫子

愛此江邊好留連至日斜眠分黃犢草坐占白鷗沙
惠崇畫

斷取滄州趣移來六月天道人三昧力變化只和欽

蒲葉

蒲葉清淺水杏花和暖風地偏綠底綠人老爲誰紅
芳

芳草知誰種綠塔已數叢無心與時競何苦綠忽忽
與徐仲元自讀書臺上定林

橫絕潺湲度深尋犂确行百年同逆旅一壑我平生
病中睡起折杏花數枝二首

獨卧南窓榻翛然五六旬已聞鄰杏好故挽一枝春

二

獨卧無心起春風閉寂寥鳥聲誰喚汝屋角故相撩
送望之赴臨江

黃雀有頭顱長行萬里餘想因君出守暫得免包苴
送丁廩秀才歸汝陰

風駛柳條乾駝裘未勝寒慙慙陌上日爲客暖征鞍
送王彥魯

北客憐同姓南流感似人相分豈相忘臨路更情親
送呂望之

池散田田碧臺敷灼灼紅年華豈有盡心賞亦無窮
別方劭秘校

迢迢建業水中有武昌魚別後應相憶能忘數寄書
梅花

牆角數枝梅凌寒獨自開遙知不是雪為有暗香來

紅梅

春半花纔發多應不奈寒北人初未識渾作杏花看

病起過寶覺

執手乍欣悵霜毛應更新依然舊童子卻想夢前身

書定林院窓

問遠大師師云夜來夢與說十波羅蜜

道人今輟講卷械寄松蘿夢說波羅蜜當如習氣何

題徐浩書法華經

一切法無差水牛生象牙莫將無量義欲覓妙蓮華

碧蕪回紋

碧蕪平野曠黃菊晚村深客倦留甘飲身閑累苦吟

夢長

夢長隨水漏吟苦雜踈鍾動蓋荷風勁沾裳菊露濃

送月

送月川魚躍開雲嶺鳥翻徑斜荒草惡臺廢冶花繁

泊鴈

泊鴈鳴深渚收霞落晚川拆隨風斂陣樓映月低弦

漠漠汀帆轉幽幽岸火然壑危通細路溝曲繞平田

題西太一宮壁二首

六言

草色浮雲漠漠樹陰落日潭潭

一作柳葉鳴蜩綠暗荷花落日紅酣三

十六陂流水白頭想見江南

宮煙

二


三十年前此路地一作父兄持我東西今日重來白首

欲尋陳迹都迷

西太一宮樓

草際芙蓉零落水邊楊柳欹斜日暮炊煙孤起不知
魚網誰家

臨川先生文集卷第二十六



臨川先生文集卷第二十七

律詩七言絕句

歌元豐五首

碁

題畫扇

夢

清明

東岡

春郊

元日

九日

初晴



臨川先生文集卷第二十七

南蕩

芙蕖

溝西

東臯

一陂

園蔬

儵然

杖藜

圖書

老嫌

移柳

誰將

雪乾

南浦

竹裏

隨意

秋雲

春風

陂麥


木末

進字說二首

窺園

嘲白髮

代白髮荅



外厨遺火二絕

初夏即事

千蹊

和陳輔秀才金陵書事

和耿憲天隲以竹冠見贈四首

和郭功甫

葉致遠置洲田以詩言志次其韻四首

次昌叔韻

次張唐公韻

次俞秀老韻

酬宋廷評請序經解

送耿天隲至渡口

永慶院送道原還儀真作詩要之

送方劭秘校

芙蓉堂二首

長干釋普濟坐化

歌元豐五首

水滿陂塘穀滿篝漫移蔬果亦多收神林處處傳簫

鼓共賽元豐第二秋

二

露積成山百種收漁梁亦自富鰕鱔無羊說夢非真

事豈見元豐第二秋

三

湖海元豐歲又登稻生猶足暗溝塍家家露積如山

龍黃髮咨嗟見未曾

四

放歌扶杖出前林
遙和豐年擊壤音
曾侍土階知帝力
曲中時有譽堯心

五

豚栅雞埒晡霧間
暮林搖落獻南山
豐年處處人家好
隨意飄然得往還

六

莫將戲事擾真情
且可隨緣道我贏
戰罷兩奩分一作收
白黑一枰何處有
虧成

題畫扇

玉斧修成寶月團
月邊仍有女乘鸞
青冥風露非人

世鬢亂釵斜特地寒

夢

黃梁欲熟且留連
漫道春歸莫悵然
蝴蝶豈能知夢事
遽遽飛墮晚花前

清明

東城酒散夕陽遲
南陌鞦韆寂寞垂
人與長鉞卧芳草
風將急管度青枝

東岡

東岡歲晚一登臨
共望長河映遠林
萬竅怒呼風喪我
千波競湧水無心

春郊

青秧漫漫出初齊
雞犬遙聞路却迷
但見山花流出

水那知不是武陵溪

元日

爆竹聲中一歲除東風送暖入屠蘇千門萬戶曈曈

日爭插一作總把新桃換舊符

九日

九日無歡可得追飄然隨意歷山陂蔣陵西曲一作面

風煙慘澹一作澹也有黃花一兩枝

初晴

幅巾慵整露蒼華度隴深尋一徑斜小雨初晴好天

氣晚花殘照野人家

南蕩

南蕩東陂水漸多陌頭車馬斷經過鍾山未放朝雲

散奈此黃梅細雨何

芙蓉

芙蓉耐夏復宜秋一種今年便滿溝南蕩東陂無此

物但隨深淺見游鯈

溝西

溝西直下看芙蓉葉底三三兩兩魚若比濠梁應更

樂近人渾不畏春鉏

東臯

東臯攬結知新歲西嶼攀翻憶去年肘上柳生渾不

管眼前花發即欣然

一陂

一陂一作限飲水蔣陵西舍風却轉與城齊周遭碧銅

磨作港逼塞綠錦剪成畦

園蔬

園蔬小摘嫩還抽畦稻新春滑欲流枕簟不移隨處有飽餐甘寢更無求

脩然

脩然三月閉柴荆綠葉陰陰忽滿城自是老年遊興少春風何處不堪行

杖藜

杖藜隨水轉東岡興罷還來赴一牀堯桀是非時入夢固知餘習未全忘

圖書

圖書老矣尚紛紛披神剝天黥以有知茅竹結蟠聊一

帽却尋三界外愚癡

老嫌

老嫌智巧累形軀欲就田翁學破除百歲用癡能幾許救吾黥剝可無餘

移柳

移柳當門何啻五穿松作徑適成三臨流遇興還能賦自比淵明或未慙

誰將

誰將石黛染春潮復撚黃金作柳條西崦東溝從此好筍輿追我莫辭遙

雪乾

雪乾雲淨見遙岑南陌芳菲復可尋換得千顰為一

笑春風吹柳萬黃金

南浦

南浦東岡二月時物華撩我有新詩
含風鴨綠粼粼起弄日鶯黃裊裊垂

竹裏

竹裏編茅倚石根竹莖踈處見前村
閑眠盡日無人到自有春風爲掃門

隨意

隨意柴荆手自開
沿岡度壑復登臺
小橋風露扁舟月迷鳥羈雌竟往來

秋雲

秋雲放雨靜山林
萬壑崩湍共一音
欲記荒寒無善

畫賴傳悲壯有能琴

春風

春風過柳綠如縑
晴日烝紅出小桃
池暖水香魚出處一環清浪湧亭臯

陂麥

陂麥連雲慘淡黃
綠陰門巷不多涼
更無一片桃花在借問春歸有底忙

木末

木末北山煙冉冉
草根南澗水泠泠
縑成白雪桑重綠割盡黃雲稻正青

進字說二首

正名百物自軒轅
野老何知強討論
但可與人漫贊

既豈能令鬼哭黃昏

二

鼎湖龍去字書存開闢神機有聖孫湖海老臣無四
目謾將糟粕汗脩門

窺園

杖策窺園日數巡攀花弄草興常新董生只被公羊
惑肯信指書一語真

朝白髮

久應飄轉作蓬飛眷惜冠巾未忍違種種春風吹不
長星星明月照還稀

代白髮答

從衰得白自天機未怪長青與願違看取春條隨日

長會須秋葉向人稀

外厨遺火二首

竈鬼何爲便赫然似嫌刀机苦無羶圖書得免同煨
燼却賴厨人清不眠

青煙散入夜雲流赤焰侵尋上瓦溝門戶便疑能炙
手比鄰何苦却焦頭

初夏即事

石梁茅屋有彎碕流水濺濺度兩陂晴日暖風生麥
氣綠陰幽草勝花時

千蹊

千蹊百隧散林丘圖畫風煙一色秋但有興來隨處

好楊朱何苦涕橫流

和陳輔秀才金陵書事

南郭先生比鷓鴣年年過我未愆期休論王謝當時
事大抵烏衣抵舊時

和耿天騰以竹冠見贈四首

竹根殊勝竹皮冠欲著先須短髮乾要使山林人共
見不持方帽禦風寒

二

無物堪持比此冠竹皮柔脆穀皮乾故人戀戀綈袍
意豈爲哀憐范叔寒

三

玉潤金明信好冠錯刀剗出蘚紋乾不忘君惠常加

首要使僮盟未可寒

四

冠工新意斲檀欒霧卷雲烝久未乾遺我山林真自
稱何須貂暖配金寒

和郭公甫

且欲相邀臥看山扁舟自可送君還留連山郭今如
此知復何時伴我閒

葉致遠置洲田以詩言志次其韻二首

吟歎君詩久掉頭知君興不負滄洲土山欲爲羊曇
賭且可專心學奕秋

二

若將有限計無涯自困真同筭海沙隨順世緣聊戲

劇莫言河渚是吾家

又次葉致遠韻二首

庵成有興亦尋春風暖荒萊步始勻若遇好花須一
笑豈妨迦葉杜多身

二

明時君尚富春秋豈比衰翁遠自投智略未應施畎
畝上前他日望吾丘

次昌叔韻

寄公無國寄鍾山垣屋青松掩靄間長以聲音爲佛
事野風蕭颯水潺湲

次張唐公韻

憶昨同追八馬蹄約公投老此山棲公乘白鳳今何

處我適新年值白鷄

次俞秀老韻

解我葱珩脫孟勞暮年甘與子同袍新詩比舊增奇
峭若許追攀莫太高

酬宋廷評請序經解

未曾相識已相憐香火靈山亦有緣訓釋雖工君尚
少不應忽務世人傳

送耿天隲至渡口

雪雲江上語依依不比尋常恨有違四十餘年心莫
逆故人如我與君稀

承慶院送道原還儀真作詩要之

歲暮青條已見梅餘花次第相爭開淮南無此山林

勝作意春風更一來

送方劭秘校

南浦柔條拂地垂攀翻聊寄我西悲武昌官柳年年好他日春風憶此時

芙蓉堂二首

投老歸來一幅巾尚私榮祿備藩臣芙蓉堂下疏秋水且與龜魚作主人

二


乞得膠膠擾擾身五湖煙水替風塵祗將鳧雁同為侶不與龜魚作主人

長干釋普濟坐化

投老唯公最故人相尋長恨隔城闌百年俯仰隨新

畫手空傳淨戒身

臨川先生文集卷第二十七



臨川先生文集卷第二十八

律詩 七言絕句

送黃吉甫入京題清涼寺壁

與道原自何氏宅步至景德寺

過法雲

光宅寺

題勇老退居院

與寶覺宿龍華院三絕

清涼白雲庵

自定林過西庵

歸庵

雪中遊北山呈廣州使君和叔同年

謝安墩二首

東陂二首

山陂

欲往北山以雨止

耿天隲惠梨次韻奉酬二首

北山有懷

定林

封舒國公三首

北陂杏花

五更

與薛肇明奕碁賭梅花詩輸一首

又代薛肇明一首

溝上梅花欲發

江梅

耿天隲許以浪山千葉梅見寄

與天隲宿清涼廣惠僧舍

池上看金沙花數枝過酴醾架盛開二首

北山

誅菊二首

楊柳

北山道人栽松

山櫻

償薛肇明秀才檀木

馬斃

出郊

懷府園

江口二首

蔣山手種松

中年

寄四姪旒二首

寄吳氏女子

寄蔡天啓

呈陳和叔二首

招葉致遠

招楊德逢

和叔招不往

和叔雪中見過

俞秀老忽不見

與耿天隲會話

送黃吉甫入京題清涼寺壁

薰風洲渚薺花繁
看上征鞍立寺門
投老難堪與君

別倚江從此望還轅

與道原自何氏宅步至景德寺

元豐七年三月十九日

前時偶見花如夢
紅紫紛披競淺深
今日重來如夢

覺靜無餘馥可進尋

過法雲

路過潮溝八九盤
招提雪脊隱雲端
金鈿一一花摠

老翠被重重山更寒

光宅寺

梁武帝宅也其北齊安隔淮齊武帝宅也宋興又在其北

齊安孤起宋興前光宅相仍一水邊蜂分蟻爭今不見故窠遺堦尚依然

題勇老退居院

道人投老寄山林偶坐條然洗我心夢境此身能且在明年寒食更相尋

與寶覺宿龍華院三絕句

舊有詩云京口瓜洲一水間鍾

山只隔數重山春風自綠江南岸明月何時照我還
老於陳迹倦追攀但見幽人數往還憶我小詩成悵望鍾山只隔數重山

二

世間投老斷攀緣忽憶東遊已十年但有當時京口

月與公隨我故依然

三

與公京口水雲間問月何時照我還邂逅我還還問月何時照我宿金山

清涼白雲庵

庵雲作頂峭無鄰衣月為衿靜稱身木落岡巒因自獻水歸洲渚得橫陳

自定林過西庵

午雞聲不到禪林栢子煙中靜擁衾忽憶西巖道人語杖藜乘興得幽尋

歸庵

稻畦藏水綠秧齊松鬢初乾尚有泥縱蹇尋岡歸獨

卧東庵殘夢午時雞

雪中遊北山呈廣州使君和叔同年

南州歲晚亦花開
有底堪隨驛使來
看取鍾山如許
雪何須持寄嶺頭梅

謝安墩二首

我名公字偶相同
我屋公墩在眼中
公去我來墩屬
我不應墩姓尚隨公

二

謝公陳迹自難追
山月淮雲祗往時
一去可憐終不
返暮年垂淚對桓伊

東陂二首

東陂風雨卧黃雲
滕水翻溝隔龍分
春玉取新知不

晚腰鎌今日已紛紛

二

荷葉初開筍漸抽
東陂南蕩正堪游
無端壠上脩脩
麥橫起寒風占作秋

山陂

山陂院落今按種
城郭樓臺已放燈
白髮逢春唯有
睡睡間啼鳥亦生憎

欲往北山以雨止

北山朝氣澹高秋
欲往愁霖獨少留
散策綠岡初見
日與隨雲盡復中休

耿天隲惠梨次韻奉酬

故人家果獨難忘
秋實初成便得嘗
直使紫花形味

勝豈能終日望咸陽

二

淮圃新陰百畝涼分甘每得助秋嘗張公大谷雖云
美誰肯苞苴出晉陽

三

甘滋南北共傳誇栽接還如老圃家誰謂交梨非外
獎因君澆灌已萌芽

北山有懷

香人因緣寄此山主恩投老更人間傷心躑躅岡頭
路明日春風自往還

定林

窮谷經春不識花新松老栢自欹斜慙慙更上山頭

望白下城中有幾家

封舒國公三首

陳迹難尋天柱源疏封投老誤明恩國人欲識公歸
處楊柳蕭蕭白下門

二

桐鄉山遠復川長紫翠連城碧滿隍今日桐鄉誰愛
我當時我自愛桐鄉

三

開國桐鄉已白頭國人誰復記前遊故情但有吳塘
水轉入東江向我流

北陂杏花

一陂春水繞花身花影妖饒各占春縱被春風吹作

雪絕勝南陌碾成塵

五更

青燈隔幔映悠悠
小雨含煙凝不流
祇聽蛩聲已無
夢五更桐葉強知秋

與薛肇明奕碁賭梅花詩輸一首

華髮尋春喜見梅
一株臨路雪培堆
鳳城南陌他年
憶杳杳難隨驛使來

又代薛肇明一首

野水荒山寂寞濱
芳條弄色最關春
故將明艷凌霜
雪未怕青腰玉女嗔

溝上梅花欲發

亭亭背暖臨溝處
脉脉含芳映雪時
莫恨夜來無伴

似月明還見影參差

江梅

江南歲盡多風雪
也有紅梅漏洩春
顏色凌寒終慘
澹不應搖落始愁人

耿天隲許浪山千葉梅見寄

聞有名花即謾栽
慙慙準擬故人來
故人歲歲相逢
晚一作能知復同看幾度開

與天隲宿清涼廣惠僧舍

故人不惜馬虺隤
許我年年一度來
野館蕭條無準
擬與君封殖浪山梅

池上看金沙花數枝
過醅醪架盛開
二首

午陰寬占一方苔
映水前年坐看栽
紅藥似嫌塵染

汚青條飛上別枝開

二

醅一架最先來夾水金沙次第栽濃綠扶踈雲對起醉紅撩亂雪爭開

北山

北山輸綠漲橫陂直壑回塘艷艷時細數落花因坐久緩尋芳草得歸遲

詠菊二首

補落迦山傳得種閻浮檀水染成花光明一室真金色復似毗耶長者家

二

院落秋深數菊叢綠花錯莫兩三峰蜜房歲晚能多少酒盞重陽自不供

楊柳

楊柳杏花何處好石梁茅屋雨初乾綠垂靜路要深駐紅寫清陂得細看

北山道人栽松

陽坡風暖雪初融度谷遙看積翠重磊砢拂天吾所愛他生來此聽樓鐘

山櫻

山櫻抱石蔭松枝比並餘花發最遲賴有春風嫌寂寞吹香渡水報人知

償薛肇明秀才檀木

濯錦江邊木有檀小園封植竹華滋地偏或免

淵聖御名

飛伐歲晚聊同庾信移

馬斃

恩寬一老寄松筠晏卧東牕度幾春
天廐賜駒龍化去謾容小蹇載閑身

出郊

川原一片綠交加深樹冥冥不見花
風日有情無處著初迴光景到桑麻

懷府園

槐陰過雨盡新秋盆底看雲映水流
忽憶小金山下路綠蘋稀處看游鯈

江寧夾口二首

鍾山咫尺被雲埋何況南樓與北齋
昨夜月明江上

夢逆隨潮水到秦淮

二

日西江口落征帆却望城樓淚滿衫
從此夢歸無別路破頭山北北山南

蔣山手種松

青青石上歲寒枝一寸巖前手自移
聞道近來高數尺此身蒲柳故應衰

中年

中年許國邯鄲夢晚歲還家壙垆遊
南望青山知不遠五湖春草入扁舟

寄四姪旒

數篇持往助歡咍想見封題手自開
春草已生無好

句阿連空復夢中來

二

一日東岡上幾迴百重雲木隔蘇臺一作一日東岡望百迴迢迢雲

寄吳氏女子

夢想平生在一丘暮年方此得優游江湖相忘真魚樂怪汝長謠特地愁

寄蔡天啓

杖藜緣蹻復穿橋誰與高秋共寂寥佇立東岡一搔首冷雲衰草暮迢迢

呈陳和叔

數椽生草覆莓苔一作數椽牢一徑牆陰斷雪開王

吉囊衣新徙舍杖藜從此為君來

二

數椽庖屋茨生草三畝荒園種晚蔬未日終無一杯酒可能留得故人車

招葉致遠

白下長干一水間竹雲新筍已斑斑明朝若有扁舟興落日潮生尚可還

招楊德逢

山林投老倦紛紛獨卧看雲卻憶君雲尚無心能出岫不應君更懶於雲

和叔招不往

門前秋水可揚舠有意西尋白下亭只欲往來相邂逅

迥卻嫌招喚苦丁寧

和叔雪中見過

捐書去寄老山林無復追緣緣一作尋往事心忽值故人

乘雪興玉堂前話得重尋

俞秀老忽然不見

忽去飄然遊冶盤共疑枝策在梁端禪心暫起何妨
寂道骨雖清不畏寒

與耿天隲會話

邯鄲四十餘年夢相對黃梁欲熟時萬事祇如空鳥
迹怪君強記尚能追

臨川先生文集卷第二十八

